

Laerskool Villieria

Telefoon: 012 331 1100
012 330 0110
Faks: 012 331 4916
E-pos: villiesskool@icon.co.za



Posbus 31520
Totiusdal
0134

Ben Swartstraat
Villieria
Pretoria
0186

24 Januarie 2024

Geagte ouers/voogde

OMSENDBRIEF 1/2024

Alle ouers/voogde neem asseblief kennis van alle inligting hierin. Hierdie Omsendbrief hanteer 'n wye verskeidenheid van onderwerpe wat jaarliks redelik standaard in ons skool is, maar ook inligting wat wysig.

- **KWARTAALPROGRAM – BELANGRIKE DATUMS (Kwartaal 1)**

Ons kwartaalprogram met alle noodsaaklike datums is by hierdie Omsendbrief aangeheg. Sien Bylaag A.

- **WEBWERF (www.laerskoolvillieria.co.za)**

Alle ouers/voogde word weereens herinner dat ons webwerf in volle werking is en ons ouers/voogde behoort feitlik alle nodige inligting daarop te bekom. Ons nuwe leerders, veral graad 1 se ouers/voogde, kan selfs skooltrots by die leerders aanmoedig en die skoollied tuis aanleer en inoefen.

- **ADMINISTRATIEF**

Die volgende e-posadresse kan gebruik word om met die skool te kommunikeer:


- ✓ Algemene skoolsake en e-posse aan die hoof - villiesskool@icon.co.za
- ✓ Skoolgeld en skoolgeldvrystelling - finansies@laerskoolvillieria.co.za
- ✓ Registrasies en oorplasinge van leerders - maria@laerskoolvillieria.co.za
- ✓ Naskoolaangeleenthede - naskool@laerskoolvillieria.co.za
- ✓ Klerehub - klerewinkel@laerskoolvillieria.co.za

Vir enige betaling van onderriggelde, afspraak met die hoof en ander administrasie, kan u met die skoolkantoor tydens kantoorure tussen 07:00 en 14:00, in kontak tree.

- **COMMUNICATOR** 

Neem ook kennis dat die skool gebruik maak van die blou d6-Communicator wat op "Slim"fone, sowel as u rekenaar geïnstalleer kan word. Daaglikse gebeure volgens die kalender asook dringende boodskappe word gewoonlik daardeur gekommunikeer.

Volg die volgende stappe om die "Toep" af te laai:

Gaan na Google Playstore en soek na die d6 School Communicator. 

Gaan na www.school-communicator.com/download.php en volg die instruksies vir installasie op u rekenaar.

- **NUUSBRIEWE**

U word weereens herinner dat alle Nuusbriewe slegs per e-pos gestuur word op Vrydae. Maak seker dat u dit ontvang en noukeurig deurlees. 'n Alternatiewe en meer omvattende Omsendbrief met belangrike datums, asook verskeie werksaamhede van ons skool, verskyn jaarliks aan die begin van die jaar.

- **FACEBOOK**

Ouers/voogde maak seker dat u 'n "friend request" na Laerskool Villieria Amptelik stuur indien u lid van ons blad wil wees. Beantwoord alle vrae volledig asseblief.

- **SKOOLTYE**

Graad R	7:40 tot 12:50
Graad 1 en 2	7:28 tot 13:00
Graad 3 – 7	7:28 tot 13:30

- **Vroeg afhaal van leerders**

Vroeg afhaal van leerders moet absoluut beperk word tot doktersafsprake wat regtig nie na skool gemaak kan word nie, en/of dringende/hartseer aangeleenthede. Reël sover moontlik vooraf met u kind en die klasonderwyser(es), om onnodige afkondigings te beperk.

- **Leerderafwesighede**

Neem kennis dat laatkom van leerders, asook afwesigheid van leerders, die Departement van Onderwys na aan die hart lê. Leerders wat afwesig was, moet by terugkeer 'n afwesigheds- en/of doktersbrief by sy/haar voogonderwyser(es) inhandig.

- **Laatkom van leerders**

Daar word 'n ernstige beroep op ouers/voogde gedoen om te sorg dat leerders betyds by die skool sal wees. Ons het begrip vir enkele gevalle waar verkeer, huishouding en/of voertuie die oorsaak mag wees van laatkom. Ouers/voogde moet kennis neem dat herhaalde laatkom vir kinders emosioneel ontstel en hulle in 'n verleentheid laat as hulle die klasse binnegaan.

Indien 'n leerder by geleentheid laat is en die betrokke voogonderwyser(es) nie deur die ouerhuis gekontak is nie, word so 'n leerder afwesig gemerk. In die Intersenfase wissel die leerders, die voogonderwyser(es) dra dus geen kennis dat hy/sy eintlik teenwoordig is nie.

NB: Verwittig die betrokke voog indien 'n leerder later by ons aansluit.

- **GEDRAGSKODE/DRINGENDE KENNISGEWING AAN OUERS**

Ons doen 'n beroep op al ons ouers/voogde om agter in die leerder se huiswerkboek te let op die implementering van ons Gedragskode. In 'n omvattende poging om leerders aan te moedig om hard te werk vir sy/haar groen-, silwer- en goue sertifikate, asook die wenerspeld, is daar 'n bykomende blad ingevoeg waar dringende kennisgewings aan ouers/voogde aangeteken sal word. Gaan gereeld die Villiesgids na en teken asseblief by die inskrywings. Om u kind te ondersteun in die strewe na die beloningstruktuur van merietekaarte, gaan gerus ons Dissiplinêre Beleid en Gedragskode voor in die Villiesgids met hom/haar deur.

- **DISSIPLINE**

Elke leerder het aan die begin van die jaar 'n Villies-dagboek ontvang waarin huiswerk daaglik aangeteken moet word. Oortredings word agter in die dagboek aangeteken vir ouers/voogde se kennisname. Indien 'n leerder op 'n betrokke dag nie sy/haar dagboek by die skool het en 'n opdrag is nie voltooi, of hy/sy maak hom/haar skuldig aan 'n gedragsprobleem, word die oortreding in 'n "Byderhandboek" van die voogonderwyser aangeteken. Hierdie oortredings word dan in ag geneem wanneer die Merietesertifikate aan die einde van die kwartaal uitgereik word. Maak asseblief 100% seker dat u kind(ers) se dagboek daaglik in die tas is.

- **VERLORE KLERE**

Alle verlore klere word op 'n daaglikse basis by die kantoor in vier kratte geplaas. Elke Maandag sal alle verlore klere by die Monumentjie uitgestal word. NB – MERK ASSEBLIEF U KIND SE KLERE DUIDELIK.

- **OOP-EN TOESLUIT VAN SKOOLHEKKE**

Maak asseblief seker dat u kennis neem van die tye wanneer die skool se hekke in 30ste Laan, Ben Swartstraat, 29ste Laan en die Kerkhekkie, oop- en toegesluit word. Alle hekke open soggens om 6:30 en sluit 7:28.

- Toesluit van skoolhekke

Alle hekke word soggens om 07:28 toegesluit. Die skool kan dan slegs deur die hoof-/kantoorhek in Ben Swartstraat binnegegaan word.

Die graad R-leerders word slegs by hulle hekkie in 30ste Laan afgelaai vanaf 6:30 tot en met 7:40, waarna die hek gesluit word. Leerders wat laat is kan dan slegs by die hoofhek in Ben Swartstraat toegang verkry.

- Oopsluit van skoolhekke

Baie belangrik – Vir die veiligheid van ons eiendom en natuurlik veral ons leerders, **GEEN VOLWASSE TOEGANG BY HEKKE**. Ouers/voogde maak slegs gebruik van die hoof-/kantoorhek in Ben Swartstraat.

Die graad R-leerders verdaag om 12:50 tot 13:30 by hul graad R-hekkie in 30ste Laan.

Wanneer die graad 1- en 2-leerders verdaag, word die kerkhekkie deur die GSF-personeel om 13:00 oopgesluit en word dadelik weer gesluit nadat die leerders uitgestap het (ongeveer 5 minute).

Wanneer die graad 3- tot 7-leerders verdaag, word al die hekke om 13:30 deur leiers wat aan diens is, oopgesluit en hulle sluit weer die hekke om 13:45. Die kleinhekkie in 30ste Laan is dan ook met 'n magneetslot gesluit, maar word deur 'n naskoolpersoneel beman. Dit is ook waar die naskoolleerders uitgeteken word.

- **VERKEER**

- Op- en aflaai van leerders

30ste Laan het 'n totaal oorbesige straat geword. Vermoed asseblief indien moontlik. Alle kerkhekkie gebruikers word groot asseblief aangemoedig om by die uitgang 'n regsdraai opsie te oorweeg. Toegang tot die 30ste Laan kerkterrein om 12:30 tot 13:00, word beperk tot graad 1- en 2-ouers wie se kind(ers) 13:00 verdaag.

Alle ouers/voogde word versoek om te let op hul spoed, onthou u kind se veiligheid is so belangrik soos 'n ander.

Geen leerder mag in die twee kerkterreine wag en/of speel nie. Uit probleme van die verlede wil ons 'n ernstige versoek aan ouers/voogde rig. Indien u 'n kind(ers) in die Grondslagfase het, maar ook in die Intersenfase, stel ons voor om verkieslik die leerder van die Grondslagfase, eerder in die wagklas te los totdat u senior leerder om 13:30 verdaag. Ons buurkerk rig gereeld versoeke dat ons dit sal aanspreek.

- Graad 1- en 2-leerders (Kerkhekkie)

Die motorhek in 30ste Laan wat toegang na die kerkterrein verleen, word soggens 6:30 oopgesluit en om 07:30 toegesluit. Die hek word weer om 12:00 oopgesluit vir die middag afhaalsessie. Let wel – 'n Eenrigtingverkeerstelsel dien as resep vir sukses. Die hek vërste van die skool dien slegs as ingang en die hek naaste aan die skool dien slegs as uitgang. Ouers/voogde moet asseblief nie voor die kerkhekkie parkeer nie, aangesien dit die vloei van leerders belemmer.

Neem kennis dat alle graad 1- en 2-leerders om 13:00 by die kerkhekkie opgelaai kan word. Hierdie hek word om sekuriteitsredes dadelik weer gesluit. Stiptelikheid by die bepaalde hekkie word streng toegepas. Indien u nie betyds by die hekkie is nie en dit gesluit vind, hoef u nie bekommerd te wees oor u kind(ers) nie. Die leerders word onder toesig van hul klasonderwyser in die wagklas gehou tot 13:30 wanneer die hekke weer oopgesluit word. Sou u dringend u kind wil oplaai kan u aanmeld by ontvangs (ingang Ben Swartstraat) vanwaar die leerder in die klas geroep sal word om by ontvangs aan te meld.

- Graad 3- en 4-leerders
Graad 3- en 4-leerders word soggens in 30ste Laan, weerskante van die pad afgelaai, en in die middag in 30ste Laan en/of kerkhekkie opgelaai.
- Graad 5-leerders
Alle graad 5-leerders se ouers/voogde word aangemoedig om hul graad 5-leerders in Ben Swartstraat af te laai, ook weerskante van die pad.
- Graad 6- en 7-leerders
Alle graad 6- en 7-leerders se ouers/voogde maak asseblief gebruik van die Metodiste Kerk parkeerterrein op die hoek van 29ste Laan en Ben Swartstraat (die ingang is in Ben Swartstraat).

- **ADDISIONELE BUITEMUURSE AKTIWITEITE**

Hierdie is aanvullende buitemuurse geleenthede vir leerders. Ouers/voogde kontak egter self die kontakpersoon en bespreek kostes, tye en werksaamhede.

➤ Action Ball	-	Graad R	Janet Maré	082 576 6725
➤ Akrobaat	-	Graad R – 7	Marinda du Plessis	082 491 7223
➤ A+ Studente	-	Graad R – 7	Rachelle Freeman	074 956 0796
➤ Beaux Arts Pottery	-	Graad R – 7	Chrissie	082 897 0662
➤ Jo Cristal Dramaklasse	-	Graad R – 7	Ruby Kemp	076 906 1232
➤ Kids Computers on wheels	-	Graad R – 7	Jannie Vreugdenburg	082 897 0662
➤ Krieketkliniek	-	Graad R – 7	Keath Slater	079 143 7519
➤ Melinet (Netbal)	-	Graad R	Melinda de Goede	083 292 0933
➤ Tennis	-	Graad R – 7	Cornelia du Plooy	082 496 9878
➤ Voortrekkers	-	Graad R – 7	Corike Malan	082 507 2518
➤ Xperiland	-	Graad R – 7	Thea van Staden	074 476 4813
➤ Little Readers	-	Graad R – 7	Lechelle	081 561 4886

- **FINANSIES**

- **Onderriggeld**

Skoolgeld, soos uiteengesit in die tabel hier onder. Betalings per EFT-/ of kaartbetalings by die skoolkantoor. Die eerste maandstaat vir skoolgeld van 2024 was reeds op Vrydag, 19 Januarie 2024 aan ouers/voogde per e-pos gestuur.

	SKOOLGELD 2024	
1 Leerder	R12 000.00	R1 200.00 p/m
2+ Leerders	R24 000.00	R2 400.00 p/m
Graad R (Per kind)	R13 500.00	R1 350.00 p/m
Naskool (Per kind)	R 7 000.00	R 700.00 p/m

- Wyse van betalings is soos volg:

- ✓ *Internet*

Ons wil 'n ernstige beroep doen op ouers/voogde om van internetbetalings gebruik te maak vir die betaal van skoolgeld sowel as naskoolgeld. Kontak die finansieskantoor vir bankbesonderhede en u verwysingsnommer.

- ✓ *Betalings gedurende bonusmaand en/of halfjaarliks*

Ouers wat later die jaar of gedurende 'n bonusmaand die skoolgeld vereffen, word versoek om jaarliks 'n kort skrywe aan mev. Roodt te stuur na finansies@laerskoolvillieria.co.za sodat u nie verder gedurende die jaar met vervolgingsaksies belas word nie.

✓ *Maandeliks vooruitbetaalbaar*

Binne sewe dae na die aanvang van elke maand. Dit behels tien gelyke paaieimente. Die Januarie paaieiment is nou reeds betaalbaar terwyl Februarie se paaieiment voor of op 7 Februarie 2024 betaal moet word.

✓ *Laat betalings*

Alle rekeninge wat negentig dae agterstallig is, sal aan skuldinvorderaars oorhandig word vir invordering en ouers/voogde sal verantwoordelik wees vir alle rente en ekstra kostes hieraan verbonde. Ouers/voogde moet steeds in gedagte hou dat hul met groot vrymoedigheid reëlings met mev. Roodt kan tref indien daar 'n korttermyn-probleem met die betaling van onderriggelde is.

○ **Graad R- en Naskoolsentrumgelde**

Bedryfskoste van graad R en die naskoolsentrum is steeds die verantwoordelikheid van die ouers/voogde. GEEN UITSTEL, AFBETALINGSOOREENKOMSTE of AANSOEKE OM VRYSTELLING kan aan enige ouer van graad R of 'n ouer/voog van die naskoolsentrum gegee word nie. Dit funksioneer presies soos enige dagmoeder of kleuterskool. Indien naskoolgelde nie op datum is nie, sal u gekontak word en u kind(ers) geweier word om die naskoolsentrum by te woon. Herinner u kind dat geen onderriggeld en/of naskoolsentrumgelde aan 'n personeellid oorhandig mag word nie. Alle onderriggelde word per EFT-betaling in Villieria Skoolfonds bankrekening inbetaal of per kaart by die finansieskantoor.

○ **Skoolgeldvrystellings**

Aansoek word streng volgens die voorskrifte soos, saamgestel in die "REGULASIES IN SAKE VRYSTELLING VAN OUIERS VAN BETALING VAN SKOOLFOOIE 2005", hanteer.

➤ Die volgende kategorieë is van toepassing:

✓ *Algehele vrystelling*

Persoon wat ouerverantwoordelikhede aanvaar vir 'n kind in pleegsorg, jeugsorgsentrum, plek van veiligheid of weeshuis. Familielid wat 'n weeskind, kind wat deur ouers verwerp is of 'n kind met geen ondersteuning, versorg.

✓ *Gedeeltelike vrystelling*

Persoon kwalifiseer op grond van die formule en die aantal skoolgaande kinders.

✓ *Voorwaardelike vrystelling*

Vrystelling deur die Beheerliggaam verleen aan die persoon wat slegs vir 'n gedeeltelike vrystelling kwalifiseer, maar wie se omstandighede van so 'n aard is dat selfs die gedeeltelike fooi nie betaal kan word nie. Die Beheerliggaam koppel voorwaardes aan hierdie vrystelling.

✓ *Geen vrystelling*

Persoon doen nie aansoek vir vrystelling nie of kwalifiseer nie op enige gronde vir vrystelling nie.

Ouers/voogde wat jaarliks aansoek doen vir vrystelling van skoolgeld, kon reeds vanaf Woensdag, 24 Januarie 2024 per e-pos aansoekvorms aanvra by finansies@laerskoolvillieria.co.za sodat die aansoekvorms per e-pos gestuur kan word. Die volledige voltooide vorms moet voor of op Vrydag, 1 Maart 2024 aan mev. Roodt ge-epos word. GEEN aansoekvorms sal per hand aanvaar word nie.

Let wel: Geen leerder mag met hierdie inligting belas word nie, hierdie is 'n suiwer oueraangeleentheid. Alle navrae en/of finansiële reëlings mag slegs gerig word deur die ouer/voog aan mev Roodt.

Ons versoek u asseblief vriendelik om die FAMILIEKODE wat op u maandelikse staat verskyn te gebruik wanneer u elektroniese betalings doen. Indien u enige ander verwysing sou gebruik, kan die finansiële stelsel nie u betaling korrek verwerk nie.

- **AKADEMIE**

Leerders ontvang elkeen 'n handboek per vak. Sommige van die handboeke is nie meer in 'n goeie toestand nie, maar ons versoek ons ouers om die handboeke asseblief te verstewig en weer met plastiek oor te trek. Motiveer u kind(ers) om eienaarskap te neem en dit na die beste van sy/haar vermoë op te pas.

Beskadigde- en verlore handboeke moet ongelukkig aan die einde van die jaar deur die ouer/voog betaal word teen die kosprys van die betrokke handboek.

- Asseseringstake en huiswerk

Assesering word deurlopend klassikaal verrig sonder die hulp en/of ondersteuning van ouers/voogde. Indien 'n leerder tydens assesering afwesig is, is dit die plig van die ouer/voog om 'n doktersbrief as bewys van siekte by die voogonderwyser(es) in te handig. Indien dit nié gedoen word nie, word 'n punt van "0" aangeteken. Afrikaans, Engels en Wiskunde sal soos altyd deurlopend huiswerk vir leerders gee. Soos die jaar vorder, mag leerders per vak addisionele opdragte vir huiswerk ontvang. Kontroleer daagliks u kind se dagboek.

- Boekkontrole deur ouers

Leerders se boeke word die week voor die toetsdatum aan die ouers/voogde gestuur vir kontrole. Maak seker dat u, u kind se boek onder oë neem en dit by die stempel teken. Prys u kind vir goeie werk gelewer.

- Toetsdatums (Graad 4 – 7)

Toetsafbakening sal ongeveer twee weke voor die toetsdatum aan die leerders uitgedeel word. Toetsrooster vir kwartaal een is aangeheg.

- Onderrigmateriaal (Graad 4 – 7)

'n Lys van benodighede vir die verskillende grade is op die webblad (www.laerskoolvillieria.co.za) beskikbaar. Die skool verskaf alle skrifte, lees- en handboeke en selfs enkele ander leermateriaal aan die leerders. Ons is trots om te rapporteer, vir die vakke Lewensvaardighede, Skeppende Kunste asook Natuurwetenskap en Tegnologie, dat die skool feitlik alle materiaal vir sekere modelle en werkstukke voorsien (Slegs die skryfbehoeftes soos op lys van benodighede word nie voorsien).

Graad R – 3 word alle skryfbehoeftepakette by die skool aangekoop. Alle skrifte word eenvormig deur die skool vir u oorgetrek, papier sowel as plastiek. Slegs in enkel gevalle sal daar van ouers/voogde versoek word om materiaal te verskaf.

- **PROVINSIALE EN NASIONALE KLEURE**

Laerskool Villieria het oor die jare 'n tradisie ontwikkel om erkenning te gee aan leerders met besondere prestasies. Leerders wat onlangs provinsiale- asook nasionale kleure verwerf het, mag op Vrydae dié prestasiedrag aantrek. Ouers/voogde moet asseblief daarop let dat leerders netjies vertoon en nie mag toelaat dat leerders met deelnemersdrag skool toe kom nie. Waak daarteen dat toekennings wat die vorige jaar verwerf is, steeds op Vrydae gedra word en nie meer resent is nie.

Hierdie leerders moet sorg dat prestasies gedurende die week teen Donderdae 13:30 ingehandig word sodat hul Maandae en/of Dinsdae gelukkig en vereer kan word vir hul besondere buitemuurse prestasies. Seniors handig in by juf. Van der Bank en juniors handig in by juf. Bodenstein. Geen medalje, toekenning, sertifikaat, ensovoorts, sal aanvaar word sonder die kind se naam en van, sportbeskrywing, medalje/sertifikaat wat netjies in 'n sakkie verpak is nie.

- **VILLIES NASKOOLSENTRUM**

Die Villies naskoolsentrum blyk steeds 'n wenner te wees. Daar word daaglik 'n verpligte studietyd gehou. Indien 'n leerder se huiswerk afgehandel is, word daar verwag dat hy/sy sal lees, tafels leer of hom/haar met enige ander studiemateriaal besig sal hou.

Indien daar enige probleme of positiewe voorstelle in dié verband is, kan u mnr. Grobler (naskoolhoof) skakel. Daar word steeds deur die jaar gepoog om tydens studietye van onderwyspersoneel gebruik te maak. Neem wel kennis dat sukses by selfdissipline begin, dat 'n naskool nie soos 'n aupair-sisteem kan funksioneer nie. Kontak egter onmiddellik die naskool indien u opmerk dat huiswerk nie gedoen word nie. Ons volg dit vir u op en u as ouer/voog hou vol om tuis die leerders te motiveer om te werk gedurende studie.

- Villies naskoolleerders (Kerkhekkie):

Geen naskoolleerder mag deur 'n ouer/voog by die kerkhekkie opgelaaï word nie. Die leerder moet eers by die naskool gaan aanmeld indien hy/sy die skool om 13:30 wil verlaat en word dan deur die ouer/voog by die gebruiklike naskoolhekkie in 30ste Laan uitgeteken. Indien u die leerder voor gewone verdaagtyd kom afhaal, sal die ontvangsdame die naskool laat weet dat u kind nie die middag die naskool sal bywoon nie en kan u die betrokke leerder by die kantoor afhaal.

- Villies naskoolleerders (Buitemuurse-aktiwiteite)

Ouers/voogde moet asseblief skriftelik die naskool in kennis stel by naskool@laerskoolvillieria.co.za indien u kind(ers) by enige buitemuurse-aktiwiteit betrokke is. In u skrywe moet u, u kind se naam, van en graad noem, die sportsoort/aktiwiteit, die spesifieke dae en tye wat die naskoolpersoneel u kind oorbaan moet neem, hoe laat u kind weer terugkom vanaf oorbaan en of u, u kind self oorbaan gaan afhaal.

- **BROODJIEPROJEK**

Ons rig groot dank aan mev. Grizelda Goosen wat weer ons kontakpersoon is vir die Broodjieprojek vir 2024. Net 'n vriendelike versoek, aangesien daar vyf "broodjieprojek-mammas" verlede jaar weg is, het ons huidige mammas hulp nodig met die voorbereiding van broodjies vir ons "Broodjieprojek-maatjies." U kan haar gerus kontak indien u enige navrae het of 'n bydrae wil lewer rakende dié projek. Haar kontaknommer is 083 324 7493. Dankie vir die opoffering en bereidwilligheid om ook hierdie faset van ons skool voluit aan te durf. Groot dank ook aan die span mammas wat hul kant bring met die sorgvuldige voorbereiding van hierdie pousehappies.

- **ENTREPRENEURSDAE**

Hierdie geleentheid is vir die ontwikkeling van ons leerders, en ons vra ERNSTIG dat die ouers/voogde nie die verkope sal oorneem nie, maar wel toesig sal hou slegs indien nodig. Entrepreneursdae vind nie meer kwartaalliks plaas nie, maar wel een maal per jaar vir die verskillende grade.

- Let op die volgende datums vir 2024:

- ✓ Grondslagfase (Graad 1 – 3) Vrydag, 15 Maart 2024
- ✓ Intersenfase (Graad 4 – 6) Vrydag, 7 Junie 2024
- ✓ Seniorfase (Graad 7) Vrydag, 30 Augustus 2024 (Markdag)

- Die volgende belangrike reëlins is van toepassing:

- ✓ Daar sal graad 7-skoolleiers beskikbaar wees om die leerders te help wie nie hulp het nie.
- ✓ Ouers/voogde wat kom help met toesig by hul kind, verkry daardie dag toegang tot die perseel by die motorhek in 30ste Laan, en nie by die kantooringang in Ben Swartstraat nie.
- ✓ Die motorhek sal om 11:00 oopgemaak word.
- ✓ Geen voertuigtoegang word toegelaat nie.

- ✓ Tafels sal gereed wees op die junior speelterrein.
- ✓ Verkope geskied vanaf 11:15 – 12:45.
- ✓ Geen energiedrankies, kougom, skiet- of watergeweertjies, rekkies of klappers mag verkoop word nie.
- ✓ Die skool verdaag op hierdie dae om 13:00 vir alle leerders.

- **VERJAARSDAE**

Indien 'n leerder verjaar kan hy/sy gewone klere aantrek. Indien dit in 'n naweek of vakansie val, kan hul dit enige dag voor- of na die naweek of vakansie aantrek.

- **TOESLUITKASSIES (LOCKERS)**

Soos per vorige Nuusbrieff, kon graad 4- tot 7-leerders reeds vanaf Maandag, 22 Januarie 2024 toesluitkassies by mev. Ida Roodt in die finansieskantoor kom betaal het teen R150 elk vir die jaar. Daar is nog toesluitkassies beskikbaar. EFT-betalings kan ongelukkig nie aanvaar word nie, aangesien ons werk op die basis van "First come, first serve."

Let wel: Geen toesluitkassies mag gedeel word met ander leerders of boetie/sussie nie. Geen toesluitkassie sal toegestaan word aan 'n leerder sonder 'n bewys van sy/haar kodeslot wanneer betaling gemaak word nie.

- **FONDSINSAMELINGS**

Jaarliks doen ons 'n vriendelike beroep op ons ouers/voogde om weer GROOT ASSEMBLIEF ons Fondsinsamelings geduldig te ondersteun. Meer inligting sal nader aan die tyd deurgegee word.

- Sakkeprojek – Kwartaal 2

Leerders sal weer in die tweede kwartaal fondsinsamelingsvorms ontvang vir die Sakkeprojek 2024.

- Vuuraanstekers/Blits (Firelighters) – Kwartaal 3

Elke graad R- tot graad 7-leerder ontvang 'n fondsinsamelingsvorm.

- **INFORMELE FONDSINSAMELINGS**

Hierdie inisiatiewe is van toepassing op ouers/voogde wat wel jaarliks by hierdie instansies hulle aankope doen en/of die My School kaart by sekere instansies vertoon.

- My School

Persone wat wil betrokke raak om ons skool te ondersteun met hul My School kaart, hoef nie 'n kind in ons skool te hê nie. Hul kan wel kosteloos 'n kaart ontvang en voordele geniet.

Daar is verskeie winkels betrokke by die Projek. Om net 'n paar te noem van vele – Woolworths, Engen, Builders Warehouse, Loot.co.za, Netstar, Power24 Prepaid, ens. U kan die Aansoekvorm vanaf hul webtuiste aflaai by:

<https://www.myschool.co.za/beneficiaries/downloads/>

Die My School verteenwoordiger sal dan die Aansoekvorms kom afhaal en verwerk en ons sal u in kennis stel wanneer u kaarte gestuur gaan word.

- Pick 'n Pay Waverley

Ons het reeds met groot sukses ouers/voogde bewus gemaak van hierdie informele fondsinsameling waar ouers/voogde absoluut vrywilliglik kan deelneem indien hy/sy wel by Pick 'n Pay Waverley aankope doen. U kan u strokies in die Laerskool Villieria houer gooi voor in die winkel. Hierdie is slegs 'n gedeelte van 'n jaar en ouers/voogde sal in kennis gestel word wanneer die projek weer afskop.

- Blits Elektries

Indien u enige aankope doen by Blits, vermeld asseblief by die toonbank "Die Villieria" kontantrekening aan.

- **VILLIES KLERE-HUB**

Laerskool Villieria se eie klerewinkel het einde 2022 amptelik geopen. Winkelure kan gedurende die jaar wissel, veral aan die begin en einde van 'n jaar. Hou asseblief ons Nuusbriewe dop vir kommunikasie.

Winkelure tans vanaf 7:00 – 9:00.

E-pos: klerewinkel@laerskoolvillieria.co.za

- **VERHURING VAN SPORTSAAL**

Laerskool Villieria verhuur sy sportsaal vir funksies. Vir enige navrae rakende kostes en fasiliteite, stuur asseblief 'n e-pos na villiesskool@icon.co.za vir aandag mev. Ilze van der Merwe.

- **BUITEMUURS**

Die skool sal poog om met die beskikbare onderwysers soveel as moontlik leerders by die verskillende aktiwiteite te betrek. Moedig u kind(ers) aan om daarby in te skakel. Aangesien busse baie duur is, vra ons vriendelik dat u steeds met vervoer van die leerders sal help. Ouers/voogde wat wel toestemming verleen dat hul kind(ers) saam met maats mag ry, moet hul eie versekering nagaan om die nodige dekking in dié verband te kry.

Laerskool Villieria is een van die skole wat spog met puik ouergedrag langs die sportveld. Mag ons jaarliks voortbou op hierdie ideaal. Ongesonde druk op leerders mag later in die lewe tot groot hartseer lei.

Villiesgroete



DP HAASBROEK
HOOF

BELANGRIKE DATUMS – KWARTAAL 1 (2024)

Maandag, 29 Januarie Dinsdag, 30 Januarie	OUERINLIGTINGSAAND: Graad 6 (18:00) 10de SKOOLDAG FOTODAG: Graad R – 7 (Individuele foto's) ATLETIEK: Simon Bekker, Pretoria-Oos en Magalieskruin (Tuis) OUERINLIGTINGSAAND: Graad 7 (18:00)
Woensdag, 31 Januarie	OUERINLIGTINGSAAND: Graad 7 (18:00)
Vrydag, 2 Februarie	GESLAGSVOORLIGTING: Graad 6
Sondag, 4 Februarie	SKOOL 121-VERJAARSDAGVIERING: Leerders verdaag 13:00 SKOOL VERJAAR
Maandag, 5 Februarie Donderdag, 8 Februarie	BULLETTJIES: Oefening begin ATLETIEK: Pretoria-Oos (Weg)
Maandag, 12 Februarie Dinsdag, 13 Februarie	SKAAK: Skaakaand vir Entoesiaste ATLETIEK: Cluster
Maandag, 19 Februarie	HULPPROGRAM: Begin SKAAK: Oefening begin
Maandag, 26 Februarie Donderdag, 29 Februarie	HANDBOEKKONTROLE: Intersenfase RUGBY & NETBAL: Rooihuiskraal Vriendskaplik (Weg)
Saterdag, 2 Maart	RUGBY: o/13A (Midstreamdag)
Dinsdag, 5 Maart Saterdag, 9 Maart	RUGBY & NETBAL: Garsfontein Vriendskaplik (Tuis) GRAAD R & 1: Opedag (9:00 – 11:00)
Maandag, 11 Maart Dinsdag, 12 Maart Donderdag, 14 Maart Vrydag, 15 Maart	GRAAD R-INSKRYWINGS 2025: Ouers begin aansoeke ingee NETBAL & RUGBY: Danie Malan Vriendskaplik (Tuis) SOKKIE: Graad 5 – 7 ENTREPRENEURSDAG: GSF RUGBY: Toer na Swartkloof (o/9 – o/10)
Saterdag, 16 Maart	RUGBY: Toer na Swartkloof (o/9 – o/10) BULLETTJIES: Wedstryde (Midstream College)
Sondag, 17 Maart	RUGBY: Toer na Swartkloof (o/9 – o/10) RUGBY: Toer na Volksrust (o/11 – o/13)
Maandag, 18 Maart Dinsdag, 19 Maart	RUGBY: Toer na Volksrust (o/11 – o/13) VILLIES-OMGEEDAG: Leerders bring nie-bederfbare produkte vir minder bevoorregte kinders. RUGBY: Toer na Volksrust (o/11 – o/13)
Woensdag, 20 Maart	RAPPORTE EN MERIETESERTIFIKATE: Uitdeel SKOOL SLUIT RUGBY: Toer na Volksrust (o/11 – o/13) NETBAL: Toernooi te Middelburg (o/10A, B, C – o/13A, B, C)

TOETSROOSTER: INTERSENFASE KWARTAAL 1 (2024)

DATUM	GRAAD 4 – 6	GRAAD 7
20 Februarie 2024	Engels	Engels
21 Februarie 2024	Afrikaans	Afrikaans
22 Februarie 2024	Wiskunde	Wiskunde
27 Februarie 2024	Nw/Teg	NW
29 Februarie 2024	SW (Ges.)	EBW
5 Maart 2024	SW (Geo.)	SW (Ges. en Geo.)